

IN NOMINE JESU!

THESES THEO-
LOGICÆ, de justificatione, quas
ex decreto Venerandi Senatus Academici, juxta te-
norem regiarum constitutionum, loco Disputa-
tionis introductoriæ, publicè proponit

ENEVALDUS SVENONIUS,

Q. G. A. hæctenus professor Eloq̃:

R E S P O N D E N T E

NICOLAO SVENONIS Smolandia:
Sveco, S. R. M: Alumno.

In Auditorio Superiori die 24. Sept. Anni
2660. horis ab 8. Matutinis.



A B O Æ

Excusæ à PETRO HANSONIO Acad. Typ.



I.



Vox justificationis à profanis Scriptoribus fuisse usurpata non legitur, sed tantum ab Ecclesiasticis, præsertim Augustino, qui in quæstione super Exod. lib. 2. c. 95. ait:

Justificationes sane Latini interpretes, eas esse dixerunt, quæ Græci δικαιώματα appellant.

II. Vox justificationis in hac materiâ ex usu scripturæ obtinet significationem forensem. *Contra pontificios, qui justificare denotare justitiam infundere dicunt.*

III. Coram Deo igitur justificari nihil significat aliud, quàm peccatorem coram tribunali Dei constitutum, & ad thronum gratiæ confugientem, à culpâ & pœnâ æternâ liberari, absolvi, adeòq; justum constitui ac pronuciari. *Contra eosdem Bellarmini socios.*

IV. Causa justificationis efficiens prima est gratia Dei. Meritoria est sola obedientia Christi, cum activa tum passiva. Organica est fides. Materia sunt promissiones
Eyan-

Evangelicæ. Forma est applicatio Meriti Christi, sive imputatio justitiæ per fidem. Finis est salus animarum. *Contra pontificios, photinianos & Arminianos.*

V. Exclusiva (solâ fide justificamur) ita, ut ex parte nostri nihil requiratur nisi fides, constanter retinenda & defendenda est. *Contra patres concil: Trident: qui anathema dicunt ijs, qui sola fiducia nos justificari ajunt. Nec non Socin. & Armin.*

VI. Bona opera non sunt causa sine quâ non, vel conditio, quâ homo justificatur & æternæ salutis hæres ab initio scribitur, sed sequuntur justificatum, non præcedunt justificandum. ut *Augustinus ait lib. de fide & operibus c. 24. contra Novatores.*

VII. Vera fides tñ. non est separata à charitate, nec cum peccatis mortalibus coexistere potest. *contra concil: Trident. Sess. 6. c. 9.*

VIII. Fides salvifica non solum est assensus, sed & notitia & fiducia simul. *contra eosdem pontificios.*

IX. Ad justificationem non sufficit fides implicita & generalis, sine cognitione articulorum fidei explicita & speciali. *Contra pontif. Socin. Remonstrantes &c.*

X. Justi-

X. Justificationis Adulorum & infantium eadem est ratio. *Contra Beza in Resp. ad colloquium Mompelg; ejusq; Socios Calvinianos reliquos, qui negant infantes justificari fide sua. item phot: & pontificios.*

XI. Justificationis unus idemq; modus est in V. & N. Testamento, nisi quòd illi crederant in Messiam venturum, nos verò in exhibitum. *contra Socin. aliosq;.*

XII. Justificationis & salutis æt. consequendæ eadem sunt causæ, media & conditiones. *Contra pontificios, nonnullos Calvinianos, aliosq;.*

XIII. De sua salute certi sunt justificati certitudine hypotheticâ. *Contra Calvinianos, qui absolutam comminiscuntur certitudinem, ita ut verè justificati non possint excidere gratia Dei ac salute. Ut & pontificios, neminem de prædestinatione & salute suâ certum esse docentes. Conf. Beza Resp. ad colloq. Mompelg. p. 68. & concil. Trident. sess. 6. can. 15.*

